


colorchecker CLASSIC



x-rite



100

100

100

100


100


100


100


100


100














no
24565.

no
24565

24565.

21
confession generale de freres
re Olivier maillart.

Genève





Si bien se veult confesser il doit
premieremēt penser aux pechez
quil a faitz Et sen doit cōfesser
de tous ensemble sil luy en sou-
uiene Et se doit confesser a son
cure ou vicaire comme son souverain pastour.
Et doit on eslire vng cōfessere saige et discret
q̄ ait pouoir de luy absouldre Et doit on auoir
entēcion de non iamais retourner a peche Et
ne doit on blasmer ne accuser nulle pesonne en
sa confession en disant que par le moyē de telle
pesonne iay pechie ou ay eu affaire avec telle
femme Et se aucun ou aucune ta fait ou pro-
cure aucunes iniures et il te demāde pardon
tu luy dois pardonner de bon cueur et auoir res-
mēbrāce cōment dieu est misericors et pardōne
a ceulx qui luy demādent pardon Aussi se tu
as messait a aucun ou aucune tu luy dois de-
māder et requerir pardō quil te veuille pardō-
ner Tu ne dois pas tenir rancure haine ne ire
cōtre tō frere crestiē Et sine dois faire cōuenir
ton debteur sil na de quoy te payer Tu dois auoir
bonne et ferme entencion de faire et acōnt

plus la penitence que ton confesseur t'en charge-
ra. Se tu as ou detiēs. aucūns biēs d'aultruy
qui ne t'appartiennent en riens tu les dois ren-
dre et restituer iustement et entierement a ceulx
a qui il appartiennent. Et aussi tu dois payer
les debtes esquelz tu es attenu ou en auoir ter-
me ou respit de ceulx a qui tu les dois. Itē on
ne se doit pas cōfesser de ce qu'on n'a pas fait ne
consenti de faire en quelque maniere que ce soit.
Et se tu as aucūne chose trouuee en allant ou
en venant et se tu scayz a qui elle appartient tu
es tenu et obligé envers dieu de luy rēdre et re-
stituer. Et quant tu es deuant ton confesseur
tu dois faire le signe de la croix et dire In no-
mine p̄ris et filii et sp̄s sancti amen. Et apres
tu dois demander benediction a ton confesseur
en ceste maniere disant. Benedicite pater. Et
se le confesseur est saige il te donnera la benedi-
ction en disant Dominus vobiscum. Et saches
que toute personne qui se cōfesse doit estre
agenoulx deuant son confesseur. et sil est hōme
il doit oster son chapperon de sa teste et celle est
femme elle doit auoir son chapperon deuant ses

3
yeulx et se doit cōfesser en ceste maniere. Sire
ie me confesse a dieu le pere et le filz et le saint
esperit et a la benoiste vierge marie a monsei-
gneur saint michel l'ange a saint pierre et a
saint poul et a tous les benoistz saint et saint
ctes de paradis: Et a vous sire qui estes mon
pere spirituel et l'utenāt de dieu en terre de tous
les pechez q̄ ie feiz oncq̄s et cōmis depuis leu-
re et le iour que ie fu ne et que receu le saint sa-
crament de baptesme iusques a ceste heure pres-
sente. Et aussi de ce que ne me suis tenu ne gar-
de de pecher de mes cinq cens naturelz que dieu
ma donne pour luy servir et obeir et pour moy
gouverner et itroduire a la louēge de son saint
nom et au salutement de mon ame lesquelz ie
nay mie employez a bien mais a toutes vani-
tez et ordure de ce monde.

De mes yeulx.

Primerement ie me confesse de mes yeulx des
quelz iay regarde plusieurs choses mōdaines
par grant delectation comme or argent beauy
vestemēs femmes pucelles et religieuses ieulx
de dez et de tables. Et nay pas regarde ne con-

temple la passio de nostre benoist sauveur ihe
surrift ne nay pas regarde les poures de nostre
seigneur dieu qui estoient malades mal vestuz
et necessiteurs en pitie et cōpassion cōe ie deusse
auoir fait dont mē cōfesse et mē repēs et en re/
quiers a dieu mercy et a vous absolution.

De mes oreilles

Secōdemēt ie me cōfesse de mes oreilles des/
quelles par plusieurs foyz iay ouy et escoute
parolles occieuses laides deshōnestes et oul/
traigeuses cōme mesdire daultruy manlgreer
dieu et les saictz sans cause et mēsonges bour
des et fables plutoft que ie nay pas escoute le
sainct seruire de dieu mō createur et les bōs ser
mons et enseignemēs de sainte eglise si mē cō
fesse et men repens et en crie a dieu mercy et a
vous sire en demāde absolution.

De ma bouche.

Tiercement ie me confesse de ma bouche et de
ma langue desquelles iay par plusieurs foyz
parle sur aultruy en le mesprisant et abaissant
son honneur Jay mauldīt aultruy et dit de luy
parolles deshōnestes affin de luy oster sa bōne

renommée. Jay renoye maulgre et blasphemé
dieu et les saictz et saintes de paradis Jay
fait faulx iuremēs et rapporter faulces parolles
au preiudice et domage de mon frere cristiē dōc
te mē cōfesse et mē repēs et en requiers a dieu
pardō et a vous sire penitāce et absolution.

De mes mains.

Quartemēt ie me confesse de mes mains des
quelles iay fait plusieurs faulx atouchemēs
tāt sur moy que sur aultruy en moy souēt et vā
tāt en atouchant a femmes en lieux desordon
nez en prenāt les biens d'aultruy en batāt mon
prochain et en faisant maintz maulx infiniz ce
nē ay pas seruy a dieu comme ie deusse si mē
cōfesse et mē repēs et en requiers a dieu pardō
et a vous sire penitāce et absolution

De mes piedz

Quitemēt ie me cōfesse de mes piedz lesquels
mont porte en lieux deshonestes cōme en tauer
nes en bourdeaulx et aultres lieux pour mal
faire et ne suis pas alle aux sermons ne aux
pardōs par deuotiō mais ce a este pour moy mō
strec et pour regarder les vanitez de ce monde.

cōte les belles femmes et les mieulx parees
dont ie men confesse et men repens de bon cueur
et en crie a dieu mercy et a Vous sire en demande
penitance et absolution et en dy ma coulpe.

De mon cueur.

En apres sire ie me confesse de mon cueur et de
ma pensee car iay pense et ymagine plusieurs
mauluaises pensees et cogitations sur autrui
mais ie nay pas pense a biē faire ne en dieu le
createur cōment il souffrir mort et passion pour
nous en labre de la croix *De quoy des bran-*
ches et des racines De mes cinq cēs naturelz
par lesquelz le dyable me pourroit accuser au
iour du iugement ie men confesse et men repens
et men soubmetz a la misericorde de dieu. Et
a Vous sire qui estes lieutenant de dieu et mon
pere spirituel Vous plaise men absouldre et mē
donne penitance et absolution

Des sept pechiez mortez.

En apres sire ie me confesse des sept pechiez
mortelz Et premierement du pechie orgueil
ou quel iay offendu et courrouce mon createur
car iay este orgueilleux et presumentueux Et par

5
le grāt orgueil qui a este en moy iay voulu sup
pedier les grās et despriser les petis. Jay este
desobeissant a dieu mon createur a mes pere et
mere temporelz et spirituel Jay cuide plus sa
loir et scanoir que te ne fais dōt ie mē suis or
gueilly tant pour mō signaige que pour ma ri
chesse Et pour mō seruire iay este moult orguil
leux ēuers ceulx qui ont eu a besoigner a moy
en leur parlant et respōdāt orgueilleusemēt la
quelle chose te ne deusse pas auoir fait si mē cō
fesse et mē repēs de bon cuer et en crie a dieu
mercy et a vous sire en demāde penitāce et ab
solutiō et en dy ma coulpe.

Du pechie dēuie

En ays sire te me cōfesse du pechie dēuie car
iay este souuēt ēuieuy de la bōne fame et grace
de la bōne renommee et prosperite de mō voisin
Jay este ēuieuy quāt mes frere crestiēs auoy
ent plus de biens et de hōnenrs en ce mōde q̄
moy et ay eu grāt ioye du mal daustruy. Et
par ēuie iay souuēt blasme mes voisins sans
cause et cōtre ma cōsciēce. Jay souuēt mis haï
ne et discencion entre parents et amis hommes

et femme mariez. Et nay pas dit le bien qui
estoit en eulx si mē cōfesse et mē repens et en re
quiers a dieu pardō et a vous sire penitance, et
absolution et en dit ma coulpe

Du pechie dyre.

En apres sire ie me coufesse du pechie dyre de
ce q̄ me suis courrouce tost et sans cause et lō/
gnement sans mapaiser Jay longnemēt tenu
mon yre cōtre mon frere crestien en desirant ven
gence de luy et nay voulu pardonner pour lon/
neur de dieu le desplaisir quō mauoit fait Jay
p̄chasse le dōmaige daultreuy en yre et en cour/
roux et eusse voulu estre mort que ien eusse este
vengē Je nay point eu paciēce des biēs et des
tribulations que dieu ma ēuoyez si mē cōfesse
et men repēs et en requiers a dieu pardon et a
vous sire penitāce et absolution

Du pechie de paresse.

En apres sire ie me cōfesse du pechie de pares
se de ce que iay este paresseuy de biē faire et biē
dire de seruir a dieu daler a leglise et de dire de
notement mes prieres et oraisons et daultres
biens que dieu ma monstre de sauoir. Jay par

plusieurs foyz este oyseux et pareceux de ser-
uir et administrer aux pures mēbres de dieu
Jay este pareceux de mettre les ignorans en
foye de biē faire et leur dōner bō exemple Jay
trop dormy en mō licc car quāt ie deuoye estre
a leglise encores estoie ie en mō licc Je me suis
tenu vilainemēt et deshōnestemēt par la pares-
se de mō corps si mē cōfesse et mē repens et en
requires a dieu pardon et a vous absolution.

Du pechie de glotonnie.

En apres sire ie me confesse du pechie de glou-
tonnie de ce que iay este glout en boire et en mā-
ger oultre mesure et par ma glotonnie et gour-
mandise iay brise les ieunes cōmādez comme
la karesme et les quatres temps. Je nay pas
distribue de mes biens pour lamour de dieu.
mais me suis efforce den prēdre tart et matin
tellemēt q̄ ie mē suis par plusieurs foyz trou-
ue malade si mē cōfesse et mē repēs et en requi-
ers a dieu pardon et a vous sire absolution

Du pechie de luxure

En apres sire ie me confesse du pechie de luxu-
re de ce que nay garde chastete mais ay rompu

et brise le mariage daustruy. Jay eu affaire a
femmes communes ou a femmes religieuses
ou sacrees ou a ieunes filles pucelles et me
suis efforce dauoir et rōpre leur pucellaige Jay
Vulu deceuoir femmes par dons par promesse
et par faulces admonicions et trōperies. Jay
eu affaire a ma cousine ou a ma seur. Jay eu af
faire a ma fēme deuant quelles fust relence dē
fant et es festes solennelles ou au temps de
la karesme ou au ieunes ou au Vigilles. Jtez
iay este polu en mō licit en dormāt ou en veillāt
ou contre nature ou en lieu sacre ou ie lay fait
pour acōplir mō plaisir et ma volente mais nō
pas pour auoir lignee. Jay peure hōes et fent
mes pour aulruy dont ie mē cōfesse et mē repēs
et en crie a dieu mercy et a vous sire en deman
de penitance et absolution et en dy ma coulpe.

Du pechie dauarice.

En apres sire ie me cōfesse du peche dauarice
et de couuoitise esquelz iay offendu tresgrande
mēt mon createur car en ce peche iay par main
tes ymaginatioōs offendu dieu et ay fort desire
auoir or et argēt tāt quē ay laisse a seruir dieu.

Par auarice iay desire les biens d'austruy.
Et aussi par ce pechie iay garde mes biens mes
robes trop precieusement et curieusement. Et
par ma couuoitise et auarice iay prins habitz
pl^{us} honestes que a moy n'apartenoit. Par ma
rappine et couuoitise ie nay pas distribue aux
poures membres de dieu de mes biens temporelz
selon ma possibilite mais les ay regarde en les
mesprisant et despitant. Par rappine iay fait
faulce marchandise come poise et mesure faulce
ment. Jay ioue es ieulx deffenduz. Par auari
ce ie nay pas garde les festes comandees. Par
ma couuoitise iay prins des biens de mon voisin
et si sauoie bien q^{ue} ie faisoient mal. Par auari
ce iay desire auoir benefices affin q^{ue} ie puisse com
mettre symonie. Par auarice ie nay pas paye
mes debtes si iustement et leallemēt cōe iestoye
tenu de faire. Jay couuoitie science pour faire
mal: et me suis efforce de greuer austruy. Par
auarice iay par plusieurs foyz preste argēt en
espoir de n'auoir aucun proufit par maniere d'usu
re. Par auarice iay vèdu marchandise a creāce
plus q^{ue} elles ne valoyēt: et mal paye les dismes

que ie deuoye a dieu par mō auarice si men cō-
fesse et men repens Et generalmente en tou-
tes les branches et racines de sept pechez mor-
telz se iauoye aucunement pechie dont lenne-
my denfer me pourroit accuser au iour du iuge-
ment deuant dieu mon createur ien crie a dieu
mercy et a vous sire en demande penitance et
absolution et en dy ma coulpe

Des sept oeuvres de misericorde tēporelles

En apres ie me confesse des sept oeuvres de
misericorde tēporelles car premierement ie nay
pas dōne ne aministre a boire et amāger aux
poures necessiteurs qui auoyēt faim et soif ne
dōne viandes netes ne bōnes mais viles et
mauuaisement cuites q̄ ie neusse pas māgees

Secondement ie ne leur ay pas dōne a boire
de bon breuaige ne voulu quil beussent a mon
verre avec moy. **T**iercement ie nay pas visite
les malades ne fait leurs litz ne remue leurs
playes. **Q**uartemēt ie nay pas rechauffe les
poures membres de nostre seigneur ihesu crist
quāt ilz ont eu froit ne reuestuz quāt ilz estoiet
nudz. **Q**uintement ie nay pas aberge ne loge

les pources ne les pelerins passans Septiem
ie nay pas visite conforte ne cōsole les pources
prisonniers ne prie pour leur deliurance mais
plustost les ay cōfunduz molestez et greuez par
mō parler. Septiemement ie nay pas enseue
ly les pources trespassez ne enterrez et nay pas
prie pour euly ainsi comme ien suis attenu si
men confesse et men repens de bon cueur et en
crie a dieu mercy et a vous sire en demande pe
nitance et absolution et en dy ma coulpe

Des sept oeuvres de misericorde spūelles
En apres sire ie me confesse des sept oeuvres
de misericorde spirituelles lesq̄lles ie nay pas
acomplies comme ie deusse auoir fait Et pre
mierement ie nay point instruit ne enseigne les
ignorans cōme ie deusse. Secondemēt ie nay
pas donne conseil a ceulx qui le me demādoyēt
des biens qui appartenoyent a lame. Tierce
ment ie nay pas cōsole ne restiuy ceulx qui
estoyent desolez et desconfortez. Quarciemēt
ie nay pas pardonne si benignement ne si doul
cement comme ie deusse a ceulx qui mauoyent
messait en me demādant pardon pour lamour

de dieu. Quantement ie nay pas supporte ceulx
qui mont fait mal et desplaisir. Septement ie
nay pas adoure dieu pour la paix et vniou de
nostre mere sainte eglise ne pour les mors ne
pour les vifs. Septiememēt ie nay pas corri
ge les malfaicteurs et plusieurs aultres biens
que ie puisse bien auoir fait ce que nay nulles
ment voulu faire ne acōplir. Et en quelque ma
niere que ie pourroye auoir offēdu mō createur
tāt es pechiez par moy dessus cōfessez que aul
tres obliez en nō acōplissant les sept oeuvres
de misericorde tant corporelles que spirituelles
ien crie a dieu mercy et adous sire en demāde pe
nitance et absolution et en dit ma coulpe.

Des sept sacremens de sainte eglise.

En apres sire ie me cōfesse des sept sacremēs
de sainte eglise. Le premier est le saint sacre
ment de baptesme ou quel ie nay pas creu pure
ment ne neptement comme ie deusse auoir fait
ainsi comme il ma este baille mais lay desprise
en plusieurs manieres. Le secōd est le saint sa
crement de cōfirmation lequel est celuy que fait
leuesque et est pour resister cōtre le pouoir de len

nemy deusfer. Le tiers est le saint sacremēt des
sainctes ordres comme lordre de prestise car ie
nay pas porte hōneur ne reuerāce a toutes gēs
deglise q̄ ont receu les dictes ordres. Le quare
est le saint sacrement de mariage leque. ie nay
pas creu fermement mais ay murmure contre
gēs mariez et ne lay pas si bien tenu ne garde
cōme iestoye tenu de faire. Le quint est le saict
sacremēt de lautel ou quel ie nay pas si biē creu
ne porte hōneur ne reuerance cōe ie deusse ne eu
mon cueur ne ma pensee comme ie deuoye mais
quāt ie le deote celebrier a peine me mettoye a ge
nouly pour le regarder et me despaisoit grādes
mēt quāt on disoit lōgue messe. Le sixiesme est
le saint sacremēt de Onction qui moult haulte
au salu de lame qui se prent dignement lequel
ie nay pas acompaigne cōme ie deusse. Le septi
esme est le saint sacremēt de penitāce ou quel
ie me suis tresmauluaistemēt gouuerne car aul
cunessfoys ie nay pas prins en gre les penitan
ces qui mont este enioinctes et si les ay petite
mēt acomplices Mais en quelque maniere que
ieusse offendu mon createur esdictz sept sacre

mès de lautel en non les acomplissant ie men
confesse et men repès et en requiers a dieu par
don et a vous penitâce et absolution

Des dix cōmādemès de la loy

En apres sire ie me cōfesse des dix commande
mès de la loy. Le premier est q̄ ie nay pas creu
en un seul dieu si fermemēt comme ie deusse
Jay mieulx ayme ma femme mes ēfans mes
biēs tēporelz que ie nay ayme dieu et si ay mi
eulx ayme courroucer dieu que ie nay ma fem
me ne mes enfans ou mon maistre ou ma ma
stresse Je nay pas ayme mon frere crestien cōe
moymesmes. Jay adiousté foy en sorceries
hermes songes deuinemens en breuetz et en
faulces escriptures laquelle chose ie ne deusse
pas auoir fait si mē cōfesse et mē repès. Le se
cond est que iay plusieurs foyz iure le nom de
dieu en vain son sang ses playes sa teste et to
ses membres Et aulcunes foyz ie lay regnie
maulgree et despote. Et la vierge marie et les
sainctz et saictes de paradis et to
les elemēs
Le tiers est que ie nay pas garde ne sanctifie
les festes cōmādes par sainte eglise ne aussi

le saint dimanche mais au iour du dimanche et
des festes solennelles iay plustost pechie que es
autres iours Le quart est q̄ ie nay pas porte
hōneur ne reuerāce a dieu ne a nostre mere sain
cte eglise ne a mes parēs tēporelz et spirituelz
Et nay pas fait prieres dire de messes ne dō
ne d'aulmosnes pour eulx cōme ie deusse auoir
fait. Le cinquesme est que iay este meurtrier en
cœur et en couraige car iay desire la mort d'aul
truy sans cause ou ie luy ay oste ce de quoy il de
uoit viure. Je nay pas aide a ceulx que ie deoie
auoir grāt necessite de fain ou de soif ou de ma
ladie ou en danger de mort ou ay este cause de
quoy fēme a perdu son fruit ou ay tant fait que
femme ne pouoit cōcepuoir enfant. Le sixiesme
est que iay receu les biēs d'aultruy iniustement
et sās nul droit a moy appartenāt. Je nay pas
biē paye mes debtes et nay pas laboure loyau
ment pour aultruy cōme pour moy Jay achapte
choses secretes q̄ estoyent emblees. Le septies
me est que iay eu affaire a femmes mariees ou
ay eu propos ou vōlente de le faire. Le viii. est
que iay fait faulx tesmoignāges et iurcimens

ou rapporte faulces parolles ou blasme a aut
truy. Le neufiesme est que ie nay pas este loy
al a mon Voisin et ay voulu trouuer maniere de
luy faire domm. aige et deshōneur et aux siens
se ieusse peu. Le dixiesme est que ie nay pas si
biē garde ne sauue le biē de mon Voisin comme
le mien mais ay plustost mis peine de luy oster
auncan proufit et hōneur. Et quāt iay sceu son
domm. aige ie ne se luy ay pas anōce comme ie
deusse auoir fait Et en oultre en q̄lque mani
ere que i'auroye offendu mon createur es dessus
dictz dix commādēmēs de la loy ou en leurs cir
cōstances ou depēdēces de tout le temps passe
iusques a ceste heure p̄sente ien crie a dieu mer
cy et a vous sire en demande penitance et abso
lution et en dy ma coulpe

Des douze articles de la foy

En apres sire ie me confesse des douze articles
de la foy Le premier est que ie nay pas creu fce
memēt en dieu le pere tout puissant qui crea le
ciel et la terre. Le secōd est que ie nay pas creu
en la personne du filz de dieu nostre sauueur et
redēpteur. Le tierc est que ie nay pas creu quil

fust cōceū du sainte esperit et quil fust ne du Vi
tre de la glorieuse Vierge marie. Le quart est q
ie nay pas creu quil fust crucifie mort et enseu
ly ou sainte sepulchre. Le cinquiesme est que i
nay pas creu quil ressuscita au tiers iours de
mort a Vie Le sixiesme est que ie nay pas creu
que le iour de l'ascencion il mōta es cieulx et q
il se sied a la dextre de dieu le pere Le septiesme
est que ie nay pas creu quil viendra iuger les
mors et les vifs Le huytiesme est q ie nay pas
creu au sainte esperit Le neufliesme est q ie nay
pas creu en sainte eglise catholique ne a ses
cōmandemēs Le dixiesme est que ie nay pas
creu au saint sacremēt de la messe et qui se rep
ura dignemēt il sera saulue et qui se recepura
indignemēt il sera dāpne Le onziesme est q
ie n. y pas creu en la resurrection generale de
toutes gens quilz ressusciteront de mort a Vie.
Le douziesme est que nay pas creu que para
dis est Vie et gloire par durable Et au li remēt
en quelque facon et maniere q ie pourroie auoir
offeudu mon dieu mō createur es dessusdictz do
ze articles de la foy ie luy en requiers pardon

et a vous sire absolution

Des sept Vertuz principales

En apres sire ie me cōfesse de s sept Vertuz prin
cipales Et premierement de la foy laquelle ie
n ay pas bien creue ne tenue ne gardée Secōs
demēt de esperāce que ie nay pas eu en dieu ne
en la vierge marie comme ie deusse Tiercemēt
de charite car ie nay pas este si piteux ne si mi
sericordieux cōme ie deusse Quartemēt de iusti
ce car en moy na eu nulle iustice de redre adng
chascun ce que luy appartenoit et souuēt me de
spaisoit quāt on faisoit iustice des mauuaitz
Quitemēt de prudēce car ie ne me suis pas gou
uerne saigemēt a biē faire et a bien dire de moy
accuser et daler avec les bons Septemēt de for
ce Vertueuse car ie nay pas resiste cōtre les mau
uaises cogitatiōs et temptations dyaboliques
Septiēnement de temperance car iay este mal
atrampe en faitz et en ditz et impatient de ce q
dieu menuoyoit et ne lay pas prins en gre ne
en patience. Et aussi ie nay pas este atrampe
a boire ne a manger ne en regart Mais en quel
que maniere que ie pourroye auoir offendu mō

12
createur es dessus dictes sept Vertuz principa
les ien requiers a dieu pardon et a vous sire pe
nitance et absolution

Des sept dons du saint esperit

En apres sire ie me confesse des sept dons du
saint esperit lesquelz ie nay pas eu en moy com
me ie deusse car ie nay pas eu tel entendement
que dieu mauoit donne ne telle sapiēce ne telle
amour parfaicte en luy ne telle crainte ne telle
pitie et compassion ne telle raison en moy cōme
ie deusse. si men confesse et men repens et en re
quiers a dieu pardon et a vous sire en demāde
penitance et absolution et en dy ma coulpe.

Des sept pechiez contre le saint esperit.

Et p̄mieremēt iay eu trop grāt fiance a la mi
sericorde de dieu et me suis habandonne de
faire plus de pechiez. Secōdemēt ie nay pas
eu esperance dauoir pardon pource que mes pe
chiez sont trop grans et trop horribles. Tierce
mēt ie nay pas eu ferme velle de laisser mes
pechiez. Quartemēt ie me suis moque et tru
fe de ma confession et penitāce. Quintemēt iay
desprise la grace et puissance de dieu en pēsant

que par mon moyen i auoye plus de biens que
par le moyen de dieu le createur et si ay secrete
ment soustenu faulxete et desprise le conseil de
dieu si men confesse et men repens et en requi
ers a dieu pardon et a vous sire absolution.

Du pechie de vaine gloire.

En apres sire ie me confesse du pechie de vaine
ne gloire car ie me suis glorifie en mes biens
en mon lignaige et en ma science Et me suis van
te dauoir donne pour lamour de dieu et me suis
mieux vestu et pare pour en estre loue Jay hon
nore les folz et les mauuaitz et desprise les
bons et les saiges Jay baille exemple a mal
faire et redu mal pour bien Jay laisse a mal fai
re pour paour de iustice et non pour paour de of
fenser dieu Je nay pas voulu pardonner a ceulx
qui mauoyent mal fait et nay voulu estre repens
de mon mal si men confesse et men repens et en
requiers a dieu pardon et a vous sire absolution

Du pechie dyppocrisie

En apres sire ie me confesse du pechie dyppocri
sie car ie me suis monstre meilleur par dehors
que ie nestoye par dedens pour estre repute bon

13
J'ay parle sur aultreuy parolles que ie sauoye
biē le contraire en mon cuer et en ma pensee si
men cōfesse et men repens et en requiers a dieu
pardon et a vous sire en demande penitance et
absolution et en dy ma coulpe

En apres sire ie me confesse que se par auentu
re iauoye appelle ou inuoque le dyable denfer
ou luy dōne mon corps et mō ame icy presente
mēt le reuoque deuant dieu mon createur et de
uant vous Aussi sire ie me cōfesse que se iauoye
donne aulcūes mauldissions sur aulcunes crea
tures comme aultressoyz iay fait sur les gens
d'armes et sur ceulx qui me faisoient desplaisir
tout cery ie reuocq̄ et anulle et en req̄ers a dieu
pardon et si le prens pour seigneur sauueur et
redempteur Et la benoiste vierge marie pour
mere et se iay mal parle cōtre elle ie luy prie q̄
le me veuille pardonner par son plaisir.

En apres sire ie me confesse que se iauoye par
le ou participe avec gēs excommuniez ou cour
rouce sainte eglise et que ie leusse fait par mes
prisance ien prie a dieu mercy et a vous sire en
demande penitance et absolution

Du pechie de negligēce

En apres sire ie me confesse du pechie de negligēce de ce que iay este negligent en toutes mes oeures mesmement de penser a mes pechiez et faultes pour les remettre a memoire mais ay este diligent a faire plusieurs et infiniz mauus et de les cōfesser et remembler ie nay eu ne voulu auoir icelluy entendement ne aussi de penser en la mort et passion que nostre sauſmeur ihesu crist souffrit en larbre de la croix pour no^r. Et par ma negligēce ie nay pas prie dieu ne fait plusieurs aultres biēs que ie puisse bien auoir fait. Parquoy en quelq̄ forme et maniere que ie puisse auoir offendu mon createur La glorieuse vierge marie les benoitz saintz et saintes et toute la court celestielle de paradis par mes cinq cens naturelz du corps veniellement et mortellement par les sept pechiez mortelz des sept oeures de misericorde tāt temporelles que spirituelles des sept sacemens de sainte esglise des sept vertuz cardinales des sept dons du saint esprit des douze articles de la foy des dix cōmādemēs de la loy Jcy Generallemēt ie

men cōfesse et men repens et en nāde a dieu
pardon et misericorde Et a vous mō pere spiri-
tuel que iay esleu de present mon cōfesseur vō
plaise men donner penitance et absolution affin
que l'ēnemy de humaine nature ne me puisse ac-
cuser au iour du iugement ainsi que verez que
mestier sera pour le salut de mon ame et pour vō
stre descharge Et affin que dieu mon createur
ait mercy de moy de to^s les pechiez que presen-
temēt vous ay confessez et de tous les aultres
oubliez desq^{lz} ie ne me remembre pas pour le p^{re}
sent ie luy en requiers pardon et misericorde en
disant. Sire dieu ma coulpe plaise vous auoir
pitie et misericorde de moy vōstre poure creature
et de to^s pecheurs. Et pour ce ie prie la benoi-
ste glorieuse vierge marie et tous les glorieux
sainctz et saintes de paradis et vous mon pe-
re spirituel vō plaise puer dieu pour moy. Cō-
fiteor deo omnipotenti et ce.


Messieurs


à Monsieur le Cardinal de Richelieu
à Monsieur le Duc de Beaufort
à Monsieur le Duc de Nemours
à Monsieur le Duc de Montpensier
à Monsieur le Duc de Rohan

à Monsieur le Duc de Montmorency
à Monsieur le Duc de Nemours
à Monsieur le Duc de Montpensier
à Monsieur le Duc de Rohan
à Monsieur le Duc de Montmorency
à Monsieur le Duc de Nemours
à Monsieur le Duc de Montpensier
à Monsieur le Duc de Rohan

à Monsieur le Duc de Montmorency
à Monsieur le Duc de Nemours
à Monsieur le Duc de Montpensier
à Monsieur le Duc de Rohan

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50





e
n
t
a

